

Morning Dogri (NSD) National News Bulletin 03-01-2025

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली च केई सारी विकास परियोजनाएं दा नीह पत्थर रक्खगंन।
- नितिन गडकरी होरें नमीं दिल्ली च यातायात सरिस्तें च सुधार आस्तै 12 ज्हार 5 सौ करोड रुपें दी परियोजनाएं दी घोषणा कीती।
- दूरसंचार विभाग नै महाकुंभ आस्तै मजबूत संचार नेटवर्क गी लोकें आस्तै पक्का कीता।
- भारत बंगलादेश आपसी सद्भावना दे चलदे इक दुए दे देश दे पकड़े गेदे 185 मशुआरें गी इक दुए गी सौपगन।
- क्रिकेट च भारत ते आस्ट्रेलिया बार्डर-गवास्कर ट्रॉफी दा 5मां ते खीरला मैच सिडनी च खेड्डा'रदे न, भारत नै टॉस जित्तिथै पैहले बल्लेबाजी दा लैता फ़ैसला।

<><><><><><>

PM-Delhi

प्रधानमंत्री नरेन्द्र मोदी होर अज्ज दिल्ली च बक्ख बक्ख विकास परियोजनाएं दी शुरुआत करगंन ते केईए दा नीह पत्थर रक्खगंन। ओह राष्ट्री य राजधानी दे अशोक विहार च करीबन इक हजार सात सौ नमे बनाए गेदे फलैटें दा उद्घाटन करगंन ते योग्य लाभार्थिं गी उन्दे घरे दियां चाबियां सौपगंन। इने नमे बनाए गेदे फलैटें दे कन्ने गै दिल्ली विकास प्राधिकरण आस्सेआ झुग्गी झोपडी च रौहने आहले दे पुनर्वास परियोजना दा दूआ गेड पूरा होई जाग। इस परियोजना दा लक्ष्य झुग्गी-झोपडी बस्तिये च रौहने आहलें गी बेहतर ते सेहतमंद माहौल ते सुविधाएं कन्ने लैस घर उपलब्ध कराना ऐ। प्रधानमंत्री दिल्ली विश्वविद्यालय च 6 सौ करोड रुपे थमां मती दी त्रै नमी परियोजनां दा नीह पत्थर रक्खगंन। ओह नजफगढ़ दे रोशनपुरा च वीर सावरकर कॉलेज दा नीह पत्थर बी रक्खगंन।

<><><><><><>

Gadkari

शिडक यातायात ते राश्ट्रीय जरनैली शिडकै सरबन्धी मंत्री नितिन गडकरी होरें दिल्ली दी ट्रांसपोर्ट बवस्था गी बेहतर करने ते शैहर च भीड़ भाड़ ते प्रदूषण घट्ट करने आस्तै 12 जहार 5 सौ करोड़ रपे दी परियोजनाएं दी घोषणा कीती ऐ। केन्द्रीय शिडक ते ढांचागत फंड थमां दिल्ली आस्तै 12 सौ करोड़ रपे देने दी घोषणा कीती। इस परियोजना कन्नै दिल्ली-कटरा एक्सप्रेस-वे कन्नै सिद्दा संपर्क जुड़ी जाग ते जम्मू कश्मीर ते पंजाब थमां औने आलियां गड्डियां सिद्दे इंदिरा गांधी अंतराश्ट्रीय हवाई अड्डे ते दिल्ली-मुंबई एक्सप्रेस-वे कन्नै जुड़ी जांगन। एहदे अलावा देहरादून थमां औने लेई द्वारका एक्सप्रेस-वे थमां इंदिरा गांधी अंतराश्ट्रीय हवाई अड्डे तगर दा वैकल्पिक रस्ता उपलब्ध होग ते सफर डेढ़ घंटे थमां घट्टियै 45 मिंट होई जाग।

<><><><><><>

President

राश्ट्रपति द्रौपदी मुर्मू होर अज्ज बैंगलुरु च NIMHANS दी स्वर्ण जयंति समारोह च मुख्ख परौहने दे तौर पर शिरकत करगंन। इस मौके राश्ट्रपति होर नमें मनोचिकित्सक ब्लाक, केन्द्री प्रयोगशाला परिसर ते होस्टल दी इमारत दा शुभारंभ करगंन। मुर्मू होर नमीं 3 टी एमआरआई स्कैनर ते डीएसए मशीन बी देश दे निमित्त लांगन। एमआरटी स्कैनर एआई दी मदद कन्नै दिमाग दी बमारिएं दा तौले पता लाने च मदद करोग। डीएसए मशीन कन्नै दिमाग दी बमारी कन्नै होए दे नुक्सान दी दर 3 डी रोटेशनल एंजीओग्राफी कन्नै पता लाई सकोग। राश्ट्रपति होर उत्तर कर्नाटक दे बेलागवी च अपनी किस्मे दे पैहले कैंसर अस्पताल दा बी उदघाटन करगंन। राज्यपाल गेहलोत, केन्द्री मंत्री जे.पी.नड्डा ते प्रहलाद जोशी ते दुए वरिष्ठ लोक बी इस मौके मजूद रौंहगन।

<><><><><><>

Ashwani Vaishanv

केन्द्री मंत्री अश्विनी वैष्णव होर किश परियोजनाएं दा शुभारंभ करने ते केश गी देश दे निमित्त लाने आस्तै अज्ज गुवाहटी जांगन। असम दे राज्यपाल एल.पी. आचार्य, मुख्खमंत्री हिमला बिस्वा सरमा, दुए गणमान्य हस्तिएं कन्नै मंत्री हुंदे कन्नै मजूद रौंहगन।

रेल मंत्री होर त्रै रेलगड्डिडएं गुवाहटी जखिमपुर जन शताब्दी एक्सप्रेस, न्यू बोनगायगांव गुवाहटी यात्रु रेलगड्डी ते मिनसुकिया-नाहरलागून एक्सप्रसे ते गुवाहटी च पुले पर बनी दी इक शिडक लोके गी समर्पित करगंन। वैष्णव हुंदे वर्चुअल ढंगै गुवाहटी थमां 10 किलोवाड आकाशवाणी कोकराझार एफ.एम.स्टेशन दा बी उदघाटन करगंन। मंत्री होर नैशनल इंस्टीच्यूट ऑफ इलैक्ट्रानिक ते इनफरमेशन टेक्नालोजी गुवाहटी दा वर्चुअल ढंगै कन्नै शुरूआत करगंन। दपैहरी मंत्री होर मोरिगांव जिले च जागीरोड पर टाटा सेमिकंडक्टर इकाई दा दौरा लांगन। एह्दे मगरा अश्विनी वैष्णव होर गुवाहटी च एनएफ रेलवे परियोजनाएं दी दुए वरिष्ठ अधिकारिएं कन्नै नजरसानी करगंन।

<><><><><><>

DoT Maha Kumbh

उत्तरप्रदेश दे प्रयागराज च महाकुंभ दौरान श्रद्धालुएं दी बड़ी मती गिनतरी च मौजूदगी दी संभावना गी दिखदे होई संचार नेटवर्क मजबूत करने दे निर्देश दिते गए न। इसदे आस्तै ऑप्टिकल फाइबर बिछाये गेये न ते 3 सौ 28 नमें टावर ते खंभे लाये गये । प्रयागराज च रेलवे स्टे शनें, बस अड्डे, हवाई अड्डे सनें प्रमुख सार्वजनिक थाहरें पर दूरसंचार सेवा गी बेहतर बनाया जा र दा ऐ। 53 हेल्पबडेस्क भी कायम कीते गए न।

<><><><><><>

India-Srilanka

विदेश मंत्रालय नै आक्खेआ ऐ जे बांग्लोदेश नै भारत दे 75 मछुआरें गी कल बांग्लादेश तटरक्षक बल गी सौंपी दिता ऐ। बांग्लाआदेश तटरक्षक बल एतवारें इने मछुआरें गी भारत गी सौंपोग। सद्भावना दे तौर पर भारत बी एतवारें बांग्लारदेश दे 90 मछुआरें गी रिहा करौग। हाल दे महीनें च, बांग्लागदेश नै अनजाने च समुद्री सीमा पार करिए बांग्लाबदेश दी जल-सीमा च प्रवेश करने आहले किश भारतीय मछुआरें गी गिरफ्तार कीता हा। भारत नै बी इनें परिस्थितियें च बांग्लारदेश दे केई मछुआरें गी हिरासत च लैता हा।

<><><><><><>

Amit Shah

केंद्रीय गृहमंत्री अमित शाह होरें आक्खेआ ऐ जे नरेन्द्र मोदी सरकार नै जम्मू कश्मीर च नां छडा आतंकवाद गी काबू च कीता ऐ सगुआं घाटी च आतंक दे पूरे पराते तंत्र गी बी नश्ट कीता ऐ। शाह होरें नमी दिल्ली च इक कताब “जम्मू कश्मीर एंड लद्दाख – थ्रो द एजेज” दा विमोचन करदे होई आक्खेआ जे जम्मू कश्मीर सोयां अगस्तर 2019 च दफा 370 गी हटाने मगरा आतंकी गतिविधियें च टकोदी कमी दिखी गई ऐ। उने दस्सेआ जे इसदे मगरा थवा आतंकी गतिविधियें च 70 फीसद दी कमी आई ऐ। श्री शाह होरें इतिहासकारें गी भारत दे हजारें बरे दे इतिहास गी तथ्यें कन्ने लिखने ते गर्व कन्ने दुनिया दे सामने पेश करने गी आक्खेआ। उने आक्खेआ जे कश्मीर, भारत दी आत्माआ दा अन्नत्रुट हिस्सार ऐ। उने आक्खेआ जे नष्टा प्राचीन मंदिरें दी कलाकृतियां इसदा सबूत न जे कश्मीर, भारत दा गै हिस्सा रेहा ऐ। शाह होरें आक्खेआ जे कश्मी, बौद्ध यात्रा दा बी अभिन्नि हिस्सा रेहा ऐ जेडी नेपाल सोयां अफगानिस्तादन तक र गई। कार्यक्रम च मौजूद केंद्रीय शिक्षा मंत्री धर्मेन्द्र प्रधान होरें आक्खेआ जे जम्मू कश्मीर ते लद्दाख, भारत दे सिरमौर न।

<><><><><><>

Cricket

क्रिकेट च भारत नै अपनी पैहली पारी च आस्ट्रेलिया दे खिलाफ बार्डर गवास्कर ट्रॉफी दे 5में ते खीरले मैच च 4 विकेटें दे नुक्सान 81 रंज बनाए। एह मैच सिडनी च होआरदा ऐ। एहदे शा पैहले भारत नै टॉस जित्तिथै पैहले बल्लेबाजी करने दा फैसला कीता। भारत दे तेज गेंदबाज जसप्रीम बुमराह होरें कप्तानी सांभी जदके रोहित शर्मा होर मैच नेई खेड्डा'रदे न। एह दुआ मैच ऐ जिसलै बुमराह होर बार्डर गवास्कर ट्रॉफह श्रृंखला च भारत टीम दी कप्तानी करा'रदे न। पैहले बी पर्थ च बुमराह होरें भारत गी शानदार जित्त दोआई ही। चौथे टैस्ट च मेजबान आस्ट्रेलिया टीम नै मेलबार्न च भारत दे खिलाफ 184 रंजें दी जित्त हासल कीती।

<><><><><><>

Guj Birds Censue

गुजरात दे जामनगर च मैरीन नेशनल पार्क च पक्षियें दी गिनतरी दा कम्म शुरु होआ र दा ऐ। एह पैहला मौका , जिसलै देशै च समुद्रतटीय पक्षियें दी गिनतरी कीती जा र दी ऐ।

राज्य दा वन विभाग एह आयोजन पक्षी संरक्षण विभाग कन्नै मिलिऐ करा र दा ऐ। इसदे तैहत बगुलें ते पक्षियें दी होरनें प्रजातियें दी गिनतरी कीती जाग।

<><><><><><>

BJP Election Officer

भारतीय जनता पार्टी नै प्रदेश अधीक्षे ते पार्टी दे राष्ट्री य परिषद दे सदस्येमे दे चयन आस्तै अधिकारी नियुक्तज कीतेन। इस सूची च केंद्रीय मंत्रिये ते पार्टी दे वरिष्ठक नेताएं दे नां शामिल ऐ। केंद्रीय मंत्री भूपेंद्र यादव होरें गी गुजरात दी, शिवराज सिंह चौहान होरें गी कर्नाटक दी, पीयूष गोयल होरें गी उत्तर प्रदेश दी, मनोहर लाल होरें गी बिहार दी, धर्मेन्द्र प्रधान होरें गी मध्यउ प्रदेश दी ते किरेन रिजिजू होरें गी सिक्किम दी जिम्मेदारी सौंपी गई ऐ।

<><><><><><>

IMD

अगले दो-त्रै दिने तकर उत्तरी, पूर्वी ते मध्य भारत च घना कोहरा छाए रौहने दा अनुमान ऐ। असम, मेघालय, नागालैंड, मणिपुर, मिजोरम, त्रिपुरा, हिमाचल प्रदेश ते मध्यप्रदेश दे केंई हिस्सें च घना कोहरा छाए रौहने दी संभावना ऐ। बिहार दे केंई हिस्सें च शीतलहर दा अनुमान ऐ। अगले 5 दिने च देशै दे उत्तर-पश्चिमी इलाके च तापमान च दो सोयां त्रै डिग्री तकर दा बादा होई सकदा ऐ।

<><><><><><>